

# GOV-HER-NANCE

“Gov-her-nance” बुलेटिन, धनगढी उप-महानगरपालिकाक कैंयो समुदायमसे सिमवाटल हल्ला, नागरिक हुकनक जिज्ञासा ओ प्रश्न सिमोदक तथ्य पता लगाक, सक्कु नागरिक हुकन सूचित कर्ना काम कर्ता । हम्न यी बुलेटिनके माध्यमसे महिला (जन्निनक) ओ लैङ्गिक अल्पसंख्यकक मुद्दाहन बाहेर लावक उपमहानगरवासी ओ उपमहानगरपालिकाबीचम रहल सूचनक दूरी कम कराक लैङ्गिकमैत्री उपमहानगरके अवधारणह पूरा कर्ना लक्ष्य लेल बाटी ।



फोटु क्याप्सन : अप्णह ख्वालल् मुर्घा फार्मम खुडा इर्ति धनगढी उपमह(नगरपालिका वडा नं.११ के स्थानीय जन्नि (महिला) ।

तस्वीर : जंगा भण्डारी

## कार्यालयम हुइसेवना यौनजन्य दुर्व्यवहार

काम कर्ना ठाउँम हुइसेवना यौनजन्य दुर्व्यवहार (निवारण) ऐन, २०६१ अनुसार कौनो कर्मचारी या सेवा लिहुइयन् काम कर्ना ठाउँम टर डेहल काम कर्लसे यौनजन्य दुर्व्यवहार कर्लक मानजाइठ ।

१ यौनजन्य सोचलेक शरीरके कौनो आइम छुना ओ छुव खोजलसे,

२ अशिलल ओ यौनजन्य क्रियाकलापसे जोरगिल शब्द, चित्र, पत्रपत्रिका, श्रव्य दृश्य, और सूचना प्रविधि, साधन, वस्तु वा सामान बेल्सना वा देखैना,



३ लिस्क, बोलक या इसारा कैक अशिलल ओ यौनजन्य बाठ कर्लसे,

४ यौनजन्य क्रियाकलाप करि कलसे,

५ यौनजन्य सोचले चलैना, खिदखोर्ना या हैरान पर्लसे,



स्रोत : <http://mowcsc.gov.np/uploads/uploads/Hqxlyo8DtBLN74sqmLlylUDpZTOlkbvmOy3H6MC0.pdf>

# हल्ला ओ तथ्य

गरिब ओ जेहेन्दार लवन्डिन्(किशोरीहरूला ई) प्राविधिक विषयके उच्च शिक्षाके लाग छात्रवृत्ति डेठा हूँ, याकर लाग कसिन विद्यार्थीन् आवेदन डेह मिलिठन् ?




छात्रवृत्तिके योग्य हुइक लाग लवन्डिन् (किशोरीले) सार्वजनिक विद्यालयसे १२ कक्षा वा ओह सरह पास कैल हुइ परठ । याकर लाग डाइबाबा डुनु ज मुक अनाथ हुइल, डाइबाबामसे एक ज मुक आर्थिक समस्या रहल, डाइबाबा डुनु ज इवासर भ्वाज कैक नाँटपाँटनके भरम रहल, मानव बेचबिखनके जोखिमम रहल, डाइबाबा डुनु ज अपांग रहल लवन्डिन् (बालिकाहरू) छात्रवृत्तिके लाग आवेदन डेह सेवठ ।

श्रोत : <http://mowcsc.gov.np/uploads/uploads/>

नेपालके कानूनम उमेर बिनपुगल भ्वाज कर्लसे या करैलसे सजायके व्यवस्था कैगिल बा । १० वर्षसे टरक लवन्डिन्के भ्वाज कर्लसे या करैलसे ६ महिनासे लेक ३ वर्षसम कैद ओ एक हजार रुप्यासे लेक १० हजार रुप्यासम जरिवाना हुइठ । ओस्टहक १० से १४ बर्ष निपुगल लवन्डिन्के भ्वाज करैलसे ३ महिनासे लेक १ वर्षसम कैद ओ ५ हजार रुप्यासम जरिवाना, १४ से १८ वर्ष निपुगल लवन्डिन्के भ्वाज कर्लसे या करैलसे ६ महिनासम कैद या १० हजार रुप्यासम जरिवाना या डुनु ओ २० वर्ष उमेर निपुगल लवन्डिन् वा लवन्डिन्के भ्वाज कर्लसे वा करैलसे ६ महिनासम कैद वा १० हजार रुप्यासम जरिवाना वा डुनु सजाय हुइना व्यवस्था बा ।

श्रोत: <http://mowcsc.gov.np/uploads/uploads/>

उमेर निपुगल लर्कन् (बालबालिका) के भ्वाज कर्ना कानूनके विपरीत हो कना पटा रटिरटि फे बालबिवाह निरुकल हो । असिक कर्लसे का सजाय हुइठ ?



म्वा ठर्वा भारतीय हुइठ (मै नेपाली नागरिक) । लेकिन, हम नेपालम मजासे व्यापार कैक बैठल बाटि । आब हमन भारत जैना मन निहो । का म्वा छाइछावन् यहाँक नागरिकता मिलहिन् ?

विदेशी नागरिकसे भ्वाज करल नेपाली नागरिक जन्निन्से जर्मल लर्का (छाइछावन्) नेपालमा जरमक नेपालम जो स्थायी बसोबास करल ओ बाबक् नागरिकताक आधारम बाबक् मुलुकके नागरिकता निलेहलम अंगिकृत नागरिकता डेजाइठ । ओह नागरिकता लेह चाहल मनै डाइक् नेपाली नागरिकताके प्रमाणपत्रके प्रतिलिपि, नेपालमा जरम लेक स्थायी रुपम बैठल व्यहोरा खुल्ना सम्बन्धित पालिकाके सिफारिस, बाबक् नागरिकताके आधारम कौनो विदेशी मुलुकके नागरिकता निलेहल खुलाक निवेदन डेह परठ ।

श्रोत : <http://www.lawcommission.gov.np/en/wp-content/uploads/2021/01/Nepal-Citizenship-Act-2063-2006.pdf>



## पहिचानसे सम्झौता कर निपरलम केल और विषयमा ध्यान डेह सेवजाइठ ।

सिमन सेरचन तेस्रो लिंगी जन्नि (महिला) हुइति । अर्थात् ऊ जर्मबेर छावा रलहि । जर्मबेर लवन्डा रलसेफे हुकहिन ((१३/१४ वर्षक उमेरम) अपन लवन्डि हुइदुँ कि कना जस्ट लागिन् । ऊ लवन्डा होक जर्मलसे फे “मै लवन्डि हुइदुँ” कना लागिन् । लेकिन, इ बाट ऊ किहु फे कह निसेविल । मै फरक बाटुँ कैक किहि कसिक कना कैक चिन्ता लाग लजिलन् । ऊ जसिकटसिक कक्षा १२ समके पहाइ ओरैलि । टब डोस्र उ आपन बाट खोब मिलना संघरेह सुनाक विदेश गैलि । विदेशम ऊ बहुत समस्या सहलि । घरक मनै छावक भ्वाज करपरल कैक बलाइ लजल । आब घरक मनैन् कसिक बटैना हो कैक भन् चिन्ता लाग लजिलन् । डाइबाबा कर कैक घर बलैलिन् । उ नेपाल अइलि । लेकिन, घर जाइ निसेविलन् । घरम भ्वाज करक लाग लवन्डि फे हेरसेवल रलहिन् । इ बाट पटा पैलि ट भन् घर जाइ निसेविल । घर जैना कैक आइल हुँकाहार पौलि काठमाडौंम रुकगैलिन् । “अपन लवन्डि मनै और लवन्डिसे कसिक भ्वाज कर्ना ?” अस्ट-अस्ट बाट सौँचक उ कुछ दिन काठमाडौं बैठलि । जसिकटसिक ६/७ महिना काठमाडौंम काट्क उ आपन गुजारा चलाइक लाग होटलम नचना काम कर लजिल ।

ढिरढिर उ ब्लु डाइमण्ड सोसाइटीम गैलि । उहाँ उ आपन जस्ट और मनैन् देखिल । टब हुकहिन मजा लजिलन् । ब्लु डाइमण्डम काम कर्नाब्याला एकदिन उ टेलिभिजनम अन्तर्वार्ता डेलि । उ अन्तर्वार्ता हेक घरक मनै हुँकाहार बारेम पटा पैल । टब घरक मनै हुकहिन लेह अइल । लेकिन, परिवारके मनै हुकिहिन तेस्रो लिंगीके रुपम निमन्ल । टब उ “मै छावा नाहि छाइ हुँ” कलि । परिवारके मनै साथ छोर्डेलिन् ।

लैंगिक अल्पसंख्यक समुदायके मनै समाजसेकेल नाहि घरपरिवारसे फे हेपजइना अवस्था बा । आजकाल हुकाहार परिवार डानडान बुभलसे फे हुकाहार जस्ट मनैन् अभिन फे बहुत समस्या बाटिन् । उ कठि, “हमन् फे भ्वाज कैक घरजम कर्ना रहर रहठ । लेकिन, के करि भ्वाज ? कौनोकौना ठारुन् (पुरुष) हमन मैया कर असक कर्लसे फे उ सम्बन्ध ह्यार डिन निचलठ । हुँक भ्वाज करक मन निकठ । समाजसे डरैठ ।”

कानुनम लैंगिक ओ यौनिक अल्पसंख्यकके अधिकारक बारेम लिखल रलसेफे मजासे लागू निहुइल हो । लैंगिक ओ यौनिक अल्पसंख्यक समुदायके अधिकार सुनिश्चित करक लाग सरकारके ओहरसे थप पहल हुइपर्ना जरुरी बा । ओस्टहक घरपरिवारके मनै फे सहज वातावरण बनाडेना जरुरी बा । समाज ओ परिवारम आपन पहिचानसे सम्झौता कर निपर्ना अवस्थाम केल हुँक और अर्थ, राजनीतिक, सामाजिक ओ व्यक्तिगत सरोकारके विषयम ध्यान डिह सेकहिँ ।

“

हमन् फे भ्वाज कैक घरजम कर्ना रहर रहठ । लेकिन, के करि भ्वाज ? कौनोकौना ठारुन् (पुरुष) हमन मैया कर असक कर्लसे फे उ सम्बन्ध ह्यार डिन निचलठ । हुँक भ्वाज करक मन निकठ । समाजसे डरैठ ।

”



# समुदायके प्रतिनिधी आवाज



## दिव्यश्वरी शाह

सुदूरपश्चिम प्रदेशसभा सदस्य

मै आपन राजनीतिक जीवनम बहुत संघर्ष कर्ल बाटुं । पञ्चायतकालसे प्रजातन्त्रसम जन्नि मनै (महिला) राजनीतिम आइसेवना वातावरण निरह । सककु ठाउँम नेइक जाइपर्ना बाध्यता रह । घरपरिवार या समाज किहुसे फे सहयोग निमिल । राजनीतिम लज्जा जन्निन् हेर्ना हेराइ जो फरक रह । ओसिन परिस्थितिम फे मै सक्रिय राजनीतिम लज्जा । आजकाल ट जन्निन् पैलक तुलनाम बहुत लिरौसी (सजिलो/सहज) हुइल बाटिन् । लेकिन्, सककन्के सहज बाटिन् कना निहो । विशेष कैक पाछ पारगिल वर्गके जन्निन्के अवस्था बहुत कर्ल (दैनिक) बाटिन् । जन्निन् स्याकटसम आघहोक नेतृत्व कर परठ । प्राय राजनीतिक दल हुँक स्थानीय तहम जन्निन् सदस्यबाहेक और पद या ओहदा निडेल हुइठ । याकर अर्थ इ निहो कि जन्निन् नेतृत्व कर निसेवठ । अवसर पैहिँ कलसे जन्निन् जसिन परिस्थितिसे फे जुक्त सेवठ । ओहओसे आब अइना दिनम अध्यक्ष, मेयर, वडाध्यक्ष जसिन् पदम जन्नि मनै अइपर्ना जरुरी बा ।



## राममती राना

स्थानीय महिला,  
धनगढी उपमहानगरपालिका, वडा नं. ११

हमार समाजम भलमन्सा चलन पलि बा । महि फे भलमन्सा बन्ना मन बा । गाउँम किहु दुःख, बेराम या कर्ल परलम हम्म फे ट हेर्ति । “मै भलमन्सा बनम्” कैक जैबो कलसे ठर्वन् (श्रीमान्ले) साथ डेलसे फे समाज “आब जन्नि मनै बन्ना हुइल, फैसला कर्ना हुइल” कैक खिसि कर्ठ । भलमन्सा चुनबेर फे जन्निन् निरठ । वास्तवम हमार समाज अभिनफे जन्निन् मजा दर्जा निडेल हो । समाजम अभिन फे बोक्सिन्यन्के नाउँम जन्निन् सटैना, दुःख (यातना) डेलक् सुज्जाइठ । ठारुन् (पुरुषलाई) भरिक् अभिनसम असिन दुःख हुइन् निसुन्ल हुँ ।

जन्निन् हेप्ना लिरौसी हुइलक ओसे असिन कैगिल हो ट ? ओम्नफे हम्म जन्निन्के बाट निसुज्जाइठ । कहोरे सुनुवाइ निहुइलकओसे कहोरे जाइफे हम्म छोर रख्लि । घरक ढन्ढा कर्ति ठिक्क हुइठ ।



## DISCLAIMER

यी अंकमा सिमेट्रिजल जानकारी समुदायम काम कर्ति रहल स्वयंसेवक, अनलाइन माध्यमसे लेहल आधिकारिक स्रोत, सरकारी कार्यालय ओ अकाउन्टबिलिटी ल्याब नेपालके फेलोसिमअन्तर्गत काम कर्ति रहल महिला समूहके कैयौठे मनैनसे प्रत्यक्ष ओ अप्रत्यक्ष रूपमा बढ्वाक तयार कैगिल हो । विषयके महत्व, सान्दर्भिकता ओ धनगढी उपमहानगरपालिकाम पारसेवना सकारात्मक प्रभावह ध्यान डेक यी विषयवस्तु छान्गिल बा । यी अंकमा सिमेट्रिजल जानकारी बुलेटिन प्रकाशित हुइल मितिसम् सत्य बा ।

“Gov-her-nance” अकाउन्टबिलिटी ल्याब नेपालले धनगढी उपमहानगरपालिकासँगको सहकार्य र CFLI को सहयोगमा तयार गरिएको हो ।